

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

- I. An Princeps dividere possit provincias ecclesiasticas, & episcopalem sedem in metropolitabam evehere. Quod factum à Valente Imp. in Cappadocia secunda. Hoc illicitum docuit Innocentius primus. De ...

urn:nbn:de:hbz:466:1-15591

C A P V T VIII.

Synopsis.

I. An Princeps dividere possit provincias ecclesiasticas, & episcopalem sedem in metropolitanam evehere. Quod factum à Valente Imp. in Cappadocia secunda. Hoc illicitum docuit Innocentius primus. De Beryo in metropolim evehē à Theodosio, quesitum in Synodo Chalcedonensi. Rescriptum probatum fuerat à Synodo Constantinopolitana. Sed rescindi iussit Princeps, si Canonibus esset adversum. Pragmatica legibus contraria, inutiles.

II. Divisio Phoeniciae contraria Nicenam canonibus. Lex Principis illis adversa, rescriba à Princepe, idque synodus ampliata est.

III. Iudices una cum synodo de possessione restituenda Ecclesia Tyri pronuntiantur. Sed de ordinationibus ab Episcopo celebratis judicium integrum synodo relinquunt, quamvis judicium ab ea latum deinde confirmantur.

IV. Rescissionem rescriptorum que canonibus contraria sunt, à Princepe & à Iudicibus petit Synodus Chalcedonensis, quod decretum à Iudicibus in synodo.

V. Canon xij. synodi secutus est, ne quis Episcopus rescripta ad provinciarum divisionem impetraret, panā latā in Episcopum. Discussus canon xvij. qui superiori contrarius videtur. Explicatio Zonare, civitates de novo conditas in metropoles à Principibus evehē posse. Balsamo de quibuscumque civitatibus intelligit. Alexius Comnenus canones conciliat, non recte.

VI. Ex sententia auctoris conciliantur duo canones, ita ut nec provincias dividere, nec civitatem episcopatu ornare Princepi liceat.

VII. Patriarchatus Hierosolymorum adiecta provincia, Principum rescriptis, quae ab Ecclesia Antiochena eas disfraxerant. Contentio sopita transactio Episcoporum. Que Decretum Iudicum & Synodi confirmata, quia mixta causa.

I. **N**UNC inquirendum restat, an saltem Ecclesiarum dignitas à Princepe pendeat; adeo ut honor metropoliticus, quem civitatibus contulerit, ad earum civitatum Episcopos manare possit. Id quidem olim obtinuisse quamplurimis testimoniis probari posset; sed uno tantum utar. Cappadocia in duas provincias secta est à Valente Imp. in odium Basilio; constituta Cappadociae secundæ metropoli in urbe Tyanorum: cuius Episcopus Anthimus synodus provinciae in duas partes disfracit, invito licet Basilio, ut testatur Gregorius Nazianzenus. Sed cùm Principes faciliiores se præberent his innovationibus, Innocentius I. jam olim respondit Alexandro Antiocheno Episcopo Ecclesiarum statum divisionibus provinciarum à Princepe factis non immutari. Nam quod sciscitari, inquit,

Gregor. Naz. O-
rat. x. 77. 78
magis se suadet
eis dū disfrac-
tione synodis, &
Marcomanni, 2.
nemam mī in tñ
apostolos qd nq
proscriptus.
Intra: Vetus testis
etiusdū mēra
vō M. ipmītis.

K ij

utrum diuisis imperiali judicio provinciis, ut
due Metropoles fiant, sic duo Metropolitanus Epi-
scopi debeant nominari. Non ergo visum est ad
mobilitatem necessitatum mundanarum Dei Ec-
clesiam commutari, honorisque aut divisiones
perpetui, quas pro suis caussis facienda duxerit
Imperator. Ergo secundum pristinum provincia-
rum morem, Metropolitanos Episcopos convenit
numerari. Sed nihil proferri potest illustrius
ea cognitione quae hac de re peracta est in
Concilio Chalcedonensi. Phoenicia subdita
erat Tyro civitati, quae erat provinciae me-
tropolis. Eustathius Episcopus Beryti in
eadem provincia, ut dignitatem Ecclesie
sua & urbi conciliaret, divisionem Phoenici-
ae primae à Theodosio Principe impetravit;
atque hoc pacto quorundam Episcoporum
ordinationem, & administrationem
Ecclesiarum, à Tyri Ecclesia ad suam tran-
stulit. Tamen Principis rescriptum vim non
habuit, quod attinet ad ecclesiasticam di-
visionem, donec ab Anatolio Constantino-
politano Episcopo, à Maximo Antiocheno,
(ad quem Phoenicia jure Patriarchico
pertinebat) & a ceteris Episcopis Constan-
tinopoli congregatis hæc episcopatum se-
cتو confirmata est. Synodico Decreto
Photius Episcopus Tyri subscriptis, sed in-
vitus, & excommunicatione à Synodo
Constantinopolitana ad consensum ada-
ctus. Itaque libello supplici rogat Marci-
num, ut pragmatica formâ ad Præfectos
Prætorio & ad Concilium Chalcedonense
missâ, antiqua jura Tyri Ecclesie restituat.
Principis magistratus, qui Concilio ade-
rant, dat in mandatis ut sancto cœtu de-
nuntient sibi non esse in animo ut Episcoporum
negotia secundum leges suas, sed
juxta Canones, regantur. Quæ non sunt
intelligenda in universum de omnibus Epi-
scoporum negotiis, sed de episcopatum
divisione & Episcoporum ordinationibus
huic vel illi Metropolitanu addicendis. Ita-
que rescripto jam ipsa Principis interlocu-
tione rescisso, sub ea conditione si Cano-
nibus adversaretur, Iudices interlocuti sunt,
ut canones de provinciarum institutione le-
gerentur. Sed ante lectiō Patres ipsos
rogaverunt an vellent causam istam è rescri-
ptis datis discuti, an vero è Canonibus. Et
ut haberent quod sequerentur, sacram syn-
odus monuerunt se jam prædictis quid
Principi videretur. Tunc Synodus in libe-
ram illam vocem constanter erupit: *Contra
regulas Pragmaticum nihil valebit. Regula Pa-
trum teneant.* Et à judicibus iterum interpel-
lata an liceret rescripto Principis aliena Ec-
clesie jura ab aliis Episcopis averti, respondit
hoc non licere secundum Canones.

L. un. C. de Me-
trop. Beryt.

Conc. Chalc.
A.D. 451.
Συνοδος Χαλ-
κειανης Βηρυτ-
ου παραγόντες
Κανόνας της Εκ-
κλησίας της Βη-
ρυτού μετά την
επιβολή της Ανα-
τολικής Κανονι-
ζας Αντιοχείας.

Tοῦ Συνεδρίου
διενεργητοῦ οὗτοῦ
εκκλησίας της Βη-
ρυτού παραγόντες
Κανόνας της Εκ-
κλησίας της Βη-
ρυτού μετά την
επιβολή της Ανα-
τολικής Κανονι-
ζας Αντιοχείας.

Κανόνας ηγε-
τού πραγματο-
μένοι οὓτοι εἰ
ργάνθησαν τοῖς
Επίσκοποι πρεσβύτε-
ραις Ιεράρχαις:
Εἰ γάρ οὐτοις
πραγματεύσαντο
τοις Επίσκοποι
πρεσβύτεραις ή
εγκαίνιον οὐτοις
επιβολή της Αν-
ατολικής Κανο-
νίζας οὐτοις.

II. Relecto itaque Nicenæ Synodi ca-
none, qui singulis provinciis unum tantum
Metropolitanum præesse decrevit, à quo
Episcoporum ordinationes penderent, de
Concilij totius sententia Iudices pronun-
tiat Photium Tyriorum metropoleos Epi-
scopum omnem potestatem ordinatio-
num in civitatibus Phœnicie primæ habitu-
rum, Eustathium verò Beryensem nihil
novi juris è pragmatice forma sibi vindica-
tur. Quod judicium acclamationibus
suis Synodus Chalcedonensis prosecuta est.
Vnde si quis penitus cognitionis hujus or-
dinem inspiciat, nullo negotio colliget le-
ges canonibus adversas nullius esse momen-
ti, cum in eam sententiam Marcianus Prin-
ceps & Synodus consentiant. Quæ regula
locum habet in specie proposita, scilicet in
iis quæ Ecclesiarum ordinationes respi-
ciunt; vel si quis vult eam ad altos calus
porrigere, ad eos tantum extendere oportet
quibus Canonum disciplina merè ecclæ-
siastica continetur. Deinde adverteret, syno-
dum non usurpare potestatem legem latam
à Principe antiquandi. Etenim prius à Mar-
ciano abrogata erat; & à Iudicibus de man-
dato Principis edictum fuerat, Imperatori
placere ut episcopalia negotia canonibus,
non legibus, regantur. quam sententiam
Synodus non promptit, sed amplexa est.
Itaque arbitrium revocatae legis penes Prin-
cipem integrum mansit.

III. Quinimò cum de rescripto Theo-
dosij in irritum mittendo & de restituenda
Photio juris antiqui possessione actum est,
Iudices ex sententia synodi, attamen Iudi-
ces, judicium reddiderunt. Quod tamen
facere non tentarunt, cum in eadem causa
suborta est quæstio merè spiritualis, scilicet
de ordinationibus Episcoporum à Photio
Tyrensi peractis in iis civitatibus quæ à Ty-
riorum Ecclesia avulsa, Ecclesie Beryti
erant tributa. Etenim ab hac cognitione,
quia disceptatio canonica erat, & de ordi-
nibus ecclesiasticis agebatur, Iudices om-
nino abstinuerunt. Interlocuti quidem sunt,
de episcopis ordinatis à Photio, amotis ve-
rò ab Eustathio, & ad presbyteratum deje-
ctis, quid videretur sancta synodo: quæ res-
pondit illos in Episcoporum numero esse
habendos, cum manus impositionem à
Metropolita suscepissent. Sed magistratus
hac de re pronuntiare noluerunt. De his, in-
quiunt, finaliter decernere ac definire, sancta
est synodi. Et statim Legati Romanae sedis,
Anatolius Constantinopolis, Maximus An-
tiochiae, Iuvenalis Hierosolymorum, Tha-
lassius Cæsareæ Cappadociæ, Eusebius An-
cyrae Galatiae Episcopi, sententiis ex ordine